


DECAS
QUÆSTIONUM JURIS
DE
JURE CON-
SUETUDINARIO,
QVAM
D. O. M. A.



*Permissu & Autoritate Amplissimi Jctorum Ordinis
in Celeberrima Academia Witebergensi*

SUB PRÆSIDIO

CHRISTIANI CARPZOVII

Coldicens. Misnic. J. U. Doctoris,

*Publicè Vendilandam & examinandam
proponit*

ABRAHAMUS ZORN Hallensis
Suevus.

*Addiẽm 4. Decembris horis à 7. matutinis in
Auditorio Jctorum.*

WITEBERGÆ

*Typis Jobi VVilbelmi Fincelij,
ANNO 1630.*

THE CON

CHRISTIANITY

THE CON

THE CON



IN NOMINE DOMINI NOSTRI
JESU CHRISTI.

QUÆSTIO I.

• *An Consuetudo Legem scriptam abrogare possit?*

Totum Jus nostrum ab Imperatore Justiniano dividitur in scriptum & non scriptū §. 3. *Inst. de J. N. G. & C.* ex quo nō immeritō ab Interpretibus Juris affirmatur, Jus non scriptum, siue consuetudinem esse jus, quia inter species juris connumeratur, ac proinde vera & perspicua decisio est, quod possit etiam Legem scriptam abrogare, quicquid enim de genere dicitur, illud etiam verum est de qualibet specie sub genere illo contēta, atqui de toto jure affirmatur, quod posterior Lex abrogare possit priorem *l. ult. ff. d. Constit. Princ. E.* Deinde Justinianus in §. *sed naturalia n.* *Inst. de J. N. G. & C.* Item Ictus Julianus in *l. 32. ff. de L. L.* verbis expressis hoc affirmant, inquires, quod mutantur & abrogentur Leges tacitō populi consensu, per quē consensū tacitum, nihil aliud quā consuetudinē, siue jus consuetudinarium intelligendū esse, nemo negabit. Vehementer quidē obitare videtur,

A 2

l. 2. C.

L. 2. C. que sit long. Consuet. pro cuius Legis explicatione permultos Authores allegat *Harprechtus ad §. sine scripto 9. Just. d. j. N. G. & C. n. 50.* jubens lectorem de vera & reali solutione cogitare, se enim nihil boni ad præsens in promptu habere; Sed quando mentem legis inspicimus, fundata responsio satis occurrit.

QUÆSTIO II.

An Consuetudo debeat esse rationabilis?

Eodem fundamento probatur etiam, quod semper rationabilitas ad Consuetudinem requiratur, de omnibus enim Legibus asseritur, quod, si ratione destituantur, non sint Leges dicendæ. *J. quod verò 14. ff. d. LL. Nov. 134. c. 1. vers. male enim &c.* proinde etiam de consuetudine, quo argumento utitur *Trent. vol. 1. dist. 1. thes. 4. lit. B.* asserens, requiri: daß es ein gute oder vernünftige gewonheit seye; Imò verbis expressis hoc ad consuetudinem accommodat *J. C. Celsus in l. 39. ff. de LL.* Sic multæ irrationabiles consuetudines hodie reprobantur & neutiquam valent. E. G. Consuetudo illa; qua de mortuorum corpora arrestantur *l. ne corpora 438. & l. 43. ff. d. Religios. & sumpt. fun. Gail. in tract. de Arrest. Imper. c. 11. n. 28. & Wesenl. in paratit. ff. d. religios. & sumpt. fun.* item consuetudo illa, quæ parentibus aufert legitimam, de qua *Myns. cent. 6. obs. 41, 43 & 44. Gail. lib. 2. obs. 122. n. 11.* nec non illa consuetudo Poloniæ, pœnam homicidii pecunia redimere permittens, de qua *Trent. loco alleg. ibiq;* in suis notis

Bachov.

Bachov. in verb. ut consuetudo &c. Et multa alia consue-
tudines, rationibus contrariis, reijciuntur ab Imp.
Carolo V. *inordinat. Criminali. artic. 218.* Apparet
igitur immotum esse consuetudinis requisitum, ra-
tionabilitatem, & quanquam multi Dd. & imprimis
Wesemb. *in parat. ff. d. LL. n. 9.* affirmet: principii ra-
tionabilis, non esse magnam habendam rationem,
atramen observatis gradibus, ut loquuntur Bachov. *in*
not. ad Treutl. irrationabilitatis, facilis erit responsio,
& firma nostra sententia, de qua ulterius in disputa-
tione.

QUESTIO. II.

*An duo actus ad consuetudinem
sufficiant?*

Interpretes quidam Institutionum ad §. *sine scripto*
9. *Inst. de f. N. G. & C. ut kullei. n. 3. Myns. n. 6. & Melebi.*
Kling n. 4. item Gail. lib. 2. obs. 31. n. 7. hac in opinione
versantur, quod duobus actibus induci possit consue-
tudo, sed hæc opinio juris textibus contrariatur, dicit
enim Imp. Alexander in *l. C. quasi long. Consuet. item*
in l. 3. C. de adific. privar. quod in consuetudine requi-
ratur, ut frequenter ita fuerit observatum, jam quod
uho vel altero acta factum est, frequenter esse fa-
ctum, ex nulla lege, sive ratione legis probari poterit;
proinde communi Dd. opinione concludendum ef-
se judicamus, non semper ex duobus actibus consue-
tudinem probari, sed hoc iudicis arbitrio relinquen-

dum esse, quemadmodum ostendit fufius *Jacob. Me-
noch. de arb. jud. quest. lib. 2. cent. 2. cas. 81. n. 4.* *Arum. Ex-
ercitat. Justin. 1. thes. 20.* *Alascard. de probat. volum. 1. con-
clus. 424. n. 15. & 18.*

QUESTIO IV.

*An ad Consuetudinem introducendam
actus judiciales requirantur?*

VLterius à quibusdam in dubiū vocatur, an etiam
judiciales actus ad introducendam consuetu-
dinem requirantur, ubi verior adparet illorum
opinio, qui afferunt, nullam distinctionem actuum,
sive sint illi judiciales, sive extrajudiciales, observan-
dam esse, generaliter enim requiritur tacitus con-
sensus, *l. de quib. 32. §. 1. l. 5. l. sed & 35. ff. d. LL.* in iis verò,
quæ solo consensu inducuntur, Judicis præsentia nō
est opus, *l. sive apud 28. C. d. Transact.* Deinde verbis ex-
pressis *J. Crus Callistratus in l. nō Imperator 38. ff. d.
LL.* consuetudinem separatà rebus judicatis, & hanc
vergiorem opinionem prælixè defendunt *Donell. lib.
1. comm. c. 10.* *Ad S. 9. Inst. d. I. N. G. & C. Angelus n.
10. Schneidew. n. 6. Heig. n. 12. Vulci. n. 8. Cujac. lib. 2. obser. 1.
Michael Grass. in commun. opin. lib. 2. c. 1. q. 10. Speckbar
cent. 1. q. 73. n. 29. & observantiam Imperialem de-
monstrat Gail. lib. 2. obser. 31. n. 8.*

QUE-

QUÆSTIO V.

*An ad introducendam consuetudinem in
jure nostro Civili sit certum tempus
determinatum.*

Affirmant hanc quæstionem permulti post gloss.
in l. de quibus 32. voc. in veterata ff. d. LL. ut Donell.
1. comm. c. 10. Accurs. Bartol. Jason & Zachus in d. l. de
quib. 32. §. 1. ff. d. LL. Myns. cēt. 6. obs. 41. & alii, qui unani-
miter autumant, quòd decenium ad introducen-
dam consuetudinem requiratur, sed in veritate nul-
lo juris textu poterit probari, quapropter, cum nul-
la Lege Civili definitum sit, meritò judicis arbitrio
relinquitur arg. l. 1. §. ult. ff. de Jure delib. quam opinio-
nem defendit Menoch. l. 2. de arb. judic. 99. cas. 83. n. 6. & 7.
Secus autem est de Jure Saxon. per textum in Land-
recht lib. 1. art. 29. & artic. 38. in quo dicitur, quòd ad in-
troducendam consuetudinem requirantur 31. anni.
6. hebdomadæ & 3. dies, sicuti videre licet ex Zang. in
sr. de exception. p. 3. c. 10. n. 183.

QUÆSTIO VI.

*An Jus Canonicum in Imperio Romano sit
jus consuetudinarium?*

DE Juris Canonici authoritate constat, quòd planè
in Imperio Romano nullam, nisi consuetudina-

vii juris, authoritatem habeat, per omnia enim & in omnibus ipsi definitio juris consuetudinarii competit, non enim utimur jure Pontificio in Imperio Romano, ut Pontificio, & tanquam à Papa profecto; sed tanquam jure nostro, ut quod nostrum factum sit approbatione Principum nostrorum, proinde sic argumentamur; Quodcumq; Jus ex sola approbatione & tacito consensu proficiscitur, illud est Jus Consuetudinarium, Atqui Jus Canon. ex sola approbatione proficiscitur. E.

Major est juris Consuetudinarii definitio ex §. *9. Inst. de J. N. G. & C.* Minoris evidentia satis apparet ex experientia & principio juris, quod nimirum nullus possit Leges cōdere, nisi ille, qui habeat potestatem, jam legimus quidem in §. *6. Instit. de J. N. G. & C.* quod populus Romanus omne Imperium suum & potestatem in Principem, hoc est Imperatorē transtulerit, sed ex nullo verbulo textus alicujus poterit probari, quod in Pontificem Romanum transtulerit, proinde in effato Magni J. C. i Eberhardi à Weihe (*quod habet in oratione; An Jus Canonicum in foro fidelium doceri & observari possit.*) persistendum esse judicamus, dicentis; Cum tacito Imperatorum, Electorum, Principum & Ordinum consensu sint libri Canonici recepti & approbati, illos rescriptis Jurisperitorum Romanorum conjungendos & præferendos esse existimo. Et cum occurrant multa impia, superstitiosa legenti, nonnulla, quæ palam jubent colere idola, præcipiunt invocationem mortuorum & statuarum, idolatriam, ac onera, quæ sine peccato non

non possunt sustineri; ista & similia sunt legenda, non ut teneantur, sed repudiantur, præclarum enim illud & planè divinum; Omnia probate, quod bonum est, tenete. *Hæc ille.* Nequè distinctionem illam accipiendam existimamus, quâ distinguere quidam volunt, inter res Ecclesiasticas & seculares, quòd Pontifex Romanus in Ecclesiasticis, sed non in secularibus leges condendi potestatem habeat. Hoc enim quidem proferunt, sed non probant, imò contra jus divinum asserere videntur illi, qui dicunt in Imperio Papam habere potestatem in rebus Ecclesiasticis leges condendi, sic enim inquit Christus *Matth. 22, v. 22.* Date Cæsari, quæ sunt Cæsaris, & Deo, quæ sunt Dei. Jam quicumq; attribuit Papæ, quod debetur Cæsari, non dat Cæsari, quæ sunt Cæsaris, atqui illi qui dicunt Papam habere jurisdictionem in rebus Ecclesiasticis, dant Papæ, quæ sunt Cæsaris, E. Minoris probatio perspicua est, quæritur enim quod titulo, quo jure Pontifex habeat hanc potestatem? Sanè nullo, omnem enim potestatem in Imperio Pontifici negamus, quia nihil commune habet cum Imperio Romano, adeòq; & Imperatori Comiticia convocare & iniis cum statibus Imperii, Pontifice in salutato, de bono publico concludere & deliberare licet.

Thom. Mich. de jurisd. conclus. 2. § 3. David

Para. intr. de Jure Regio.

§ 6.

QUÆ

An Jus Saxonicum sit Jus Consuetudinarium ?

Quia Jus Saxonicum initio moribus introductum postea per virum privatæ authoritatis collectum actandem à Carolo Magno, uti *Glossator speculi Saxonici* Landrecht lib. 3. art. 82. testatur, confirmatum & approbatum est, merito concluditur, quod sit Jus Consuetudinarium; Competit enim ipsi definitio Juris Consuetudinarii, sicuti in præcedentis quæstionis resolutione fuit ostensum, & prolixè de hujus origine scripsit *Matth. Coler. in Orat. de Orig. Jur. Sax. & Heig. p. 1. q. 8. per tot.* Sicque communiter ab Interpretibus asseritur: quod inter Jura Consuetudinaria in Imperio Romano-Germanico hodie Principem facile locum obtineant Consuetudines Juris Saxonici, Eberhard. Speckhan in *Synops. Exeges. Jur. Cesar. pag. 1.* Ac proinde fallere eos ait *Hartm. Pistor. lib. 1. q. 26. num. 11.* qui Juris Saxonici cognitionem magis ex verbis quàm ex usu discere autumant. Multa namque usu, (dicit ille) esse introducta contra verba Juris Saxonici, & e contra.

QUÆSTIO VIII.

An Juris Saxonici observantia ab allegantibus sit probanda?

Rectissimè plures Juris Saxonici Interpretes statuunt, illum, qui textum aliquem ex Jure Saxonico

nico pro se allegat, si ille non esset practicabilis, probare debere, illum esse usu receptum & approbatum. Andr. Knich. in *Comment. suo de Saxon. non pro-
doc. jur. cap. 3. n. 19.* asserit quidem contrarium, eo argu-
mento, quod Lex in dubio dicatur usu recepta per
trad. à Natt. *Consil. 340. n. 11.* & Roland. à valle *Consil.
90. num. 53. vol. 1.* Sed uti dictum, sententia hæc nobis
non arridet, legem enim vel statutum usu recepta
esse facti sunt, quæ non præsumuntur, sed probari
debent *l. in bello. §. facti. ff. de captiv. & postlim. revers.*
nec ad rem facit, quod Andr. Knich. *loc. allegat.* ait;
Legem in dubio, dici usu receptam, quia hoc intelli-
gendum, dato scilicet initio observationis: Si enim
semel cepta observari, præsumitur ad huc observari,
atq; ita in viridi esse observantia: Cœterum hinc non
efficitur, quod ab initio præsumi debeat recepta &
observata, ita eleganter respondet Jacob Menoch. *de
presumpt. lib. 2. pres. 2. n. 3. & 4. ibi sed non hinc fit, quod ab
initio præsumi debeat &c.* Imò ante probatam observa-
tionē Jus Saxonicum, tanquam jus consuetudinari-
um & approbatum non habet & meretur nomen
legis, quia ut sit Lex, requiritur observantia sive ac-
tus, uti supra fuit ostensum, quod actus ad Consue-
tudinem introducendam requirantur, & in hac o-
stra sententia multi sunt Juris Saxon. Interpp.
ut Matth. Coler. *De process. executiv.*

in *pres. Hartm. Pist. lib. 1.*

q. 16. &c.

QUÆSTIO IX.

An Jus Feudale pertineat ad Jus scriptum, an verò ad Jus non scriptum?

Supra in quaestione I. ex §. 1. *Inst. d. I. N. G. & C.* ostensum fuit jus esse duplex, scriptum & non scriptum, Quæstionis igitur est, ad quam speciem Juris, jus Feudale sit referendum, Rittersh. *in partit. feud. lib. 1. cap. 1. g. 8.* ad Jus scriptum pertinere putat; sed verior videtur illorum opinio, qui defendunt, Jus Feudale ad Jus non scriptum pertinere; primò enim Juri Feudali competit definitio Juris non scripti ex §. 9. *Inst. d. J. N. G. & C.* Deinde Consuetudines appellantur libri feudorum *in rubrica hujus Juris*: nec quicquam facit Rittershusii responsio; dicentis: à potiori fieri ibi denominationem; eò enim ipsò quod potior pars Juris Feudalis contineat consuetudines, (quæ in Imperio Romano juris auctoritatem habent, ex tacita approbatione Imperatoris Friderici II, qui secundum illas in judiciis judicari passus est,) nostra sententia fundatur, pauca enim constitutiones Juri Feudali insertæ, non efficiunt ut potior pars Juris Feudalis ad Jus scriptum sit referendum. Neq; exinde quòd Jura Feudalia hodie typis exscripta sunt, consuetudines esse desierunt, quia hoc duntaxat memoriæ & observantiæ melioris causa factum est; quo ipso Consuetudinis naturam non immutatur,

4. contra

h. contrahitur ff. de pignor. Et non sola scriptura, sed
authoritas publica, itemq; animus potestasq; scri-
bentis ex Consuetudine Legem scriptam facit *l. ult. C.
de LL.* Et hanc nostram opinionem *Connan. lib. 2. Com-
ment. Jur. cno. Clar. §. feudum. q. 3. Schrader. de feud.
part. 1. q. 1. n. 6. & multi alii defendunt,*

QUÆSTIO X.

An Consuetudo debeat probari?

Consuetudinem esse juris ex §. 9. *Inst. de jur. nat.
gent. & civil.* & ex *l. de quibus 32 ff. de legib. satis appa-
ret. de quo Gail. 1. obs. 36. nu. 13. Raucbb part. 1. qu. 36.* jura
verò non probantur, sed allegantur, uti tritum IC-
torum brocardicū, est, quod habet Vmmius in *pro-
cess. disp. 15. tbes. 3. num. 5.* proinde concludendum vide-
tur, neq; Consuetudinem esse probandam, Sed veri-
or est illa Dd. sententia, quod omninò Consuetudo
debeat probari, in se enim Consuetudo considerata
est quidem juris, sed an hic an illic ea sit consuetudo,
est quæstio facti: itemq; actus, ex quibus inducitur
Consuetudo, sunt facti *l. de quibus 32. ff. de legib.* Et i-
deò hi actus probari, debent: sive debet probari, hic
vel illic eam consuetudinem esse, quæ allegatur *Myn-
sing. Respon. 13. n. 6. & hoc est quod asseritur in cap. 1. Ex-
tr. de Consuet. Consuetudinem esse facti. Ernest.*

Cotbm. Respon. 13. num. 74. & seqq.

Volum. 1.

B 3

CO

COROLLARIA.

1.

Consuetudo contraria juri communi non extenditur ex identitate rationis. *Alex. Consil. 116. Vol. 1.*

2.

Consuetudo, quod quis cogatur vendere, valet. *Bart. in l. venditor 13. §. si constat. ff. comm. prad.*

3.

Consuetudo differt à Stylo. *Treutl. Vol. 1. disp. 1. thes. 9. lit. a.*

4.


Qui secundum malam consuetudinem privatā agit non excusatur à poena.

5.

An populus non liber, vel an pars civitatis consuetudines introducere possit? sæpius à Dd. disceptatur, & pro & contra disputatur, nos ejusmodi quæstiones
Domi-

Domitianas & nullius momenti judicamus, non enim origo, sed usus consuetudinis inspicendus.

SOLI DEO GLORIA.



Literatissimo Domino Respondenti
Amico & conterraneo suo
Charissimo.

Consuetudo bona est, privo quæ lecta labore,
Promere ea, alternâ dis- q; - putare vice.
Hanc sequeris strenuè, de Consuetudine. ZORNI
Dum properas vires exeruisse tuas.
Huic gessisse bono Morem consuescito porro
Mori, ne quicquam sit tibi in bocce moræ.
Sic quod jus, quod fas, quod mos decernere cunctis
Assolet, bocce dabit jus tibi fasq; decus.

Hicce
Gratulabatur l. mq;.

Johannes Christophorus Hehel
Hænbarto- Hallensis
Suedus.

COROLLARIA.

1.

CONsuetudo contraria juri commu-
ni non extenditur ex identitate ratio-
nis. *Alex. Consil. 116. Vol. 1.*

2.

Consuetudo, quod quis cogatur ven-
dere, valet. *Bart. in l. venditor 13. §. si con-
stat. ff. comm. præd.*

3.

Consuetudo differt à Stylo. *Trentl. Vol.
1. disp. 1. thes. 9. lit. a.*

4.

Qui secundum malam consuetudi-
nem privatā agit non excusatur à pœna.

5.

An populus non liber, vel an pars ci-
vitatē consuetudines introducere pos-
sit? sæpius à Dd. disceptatur, & pro & con-
tra disputatur, nos ejusmodi quæstiones
Domi-